

RECITATIONVM
IN ALMA LVDOVICIANA
TAM
ORDINARIARVM,
QVAM
EXTRAORDINARIARVM
SEMESTRI AESTIVO




A. R. S. CIOICCLXXIII.

HABENDARVM

ET

D. XXVI. APRILIS. INCHOANDARVM

SERIES.



G I E S S A E,

litteris IO. IAC. BRAVNII acad. typogr.

ALMAE LVDOVICIANAE
RECTOR
D. CHRISTIAN. HARTM.
SAMVEL GATZERT

ICTVS

CVM SENATV.

Quot quantaque difficultates atque molestiae docili solertia atque ardente litterarum amore a veteribus superatae fuerint, mirabundi saepe traditum legimus. Maxima pars terrarum peragranda, terra marique pericula subeunda, sudandum atque algendum, innumera ferenda atque facienda illis fuerunt, quae nostra aetate ingentem molliculorum iuuenum turbam omnino deterrent. Taurus philosophus apud Gellium (Libr. VI. no. Art. VI. 10) hoc Euclidis exemplo ad philosophiam grauiter sectandam cohortatur: Tum Euclides (decreto nempe Atheniensium contra Megarense facta) sub noctem, tunica longa muliebri indutus Megaris Athenas ad Socratem commeabat, rursusque sub lucem millia passuum amplius viginti eadem veste tectus redibat. At nunc, (idem Taurus inquit) videre est philosophos vtro currere, vt doceant! Verum enim vero hanc summam Academiae nostrae felicitatem putamus, vt Vester, *Commilitones aestimatis*, dicendi feror cupiditati nostrae optimis studiis Vestris obsequendi aequalis sit. Pergite igitur, vt Ciceronis verbis vtamur, atque in ea studia, in quibus estis, incumbite, vt & Vobis honori, & amicis vtilitati, & reipublicae emolumento esse possitis!

LECTIONES ORDINARIAE THEOLOGICAE.

D. IO. HERMANNVS BENNER.

Academiae Senior.

Publice, in historia ecclesiae tradenda, sicut huiusque, seliget ea, quae praecipuo vsui esse possunt nostris, qui monendi quoque sunt, vt notitiam historiae quae vniuersalis dicitur, huc adferant; qua destituti, raedia pro fructu, metere solent. Priuatim, ea cum sit rei sacrae facies, vt hac aetate, si vnquam, eius integritati prospicere oporteat; dogmata sacra non populari methodo, sed solida, & ad exegeth sacri codicis perpetuam exacta, tradet. Turpe est enim futuro sacrorum doctore, sed optabile aduersariis, ultra popularem modulum haud eniti. Pari modo, volentibus dabit partem practicam, ne vaga quaedam ac desultoria methodus, distinctam notitiam promptamque praxin remoretur. Publico scripto docebit, quam iniqua sit accusatio publica recentior, deesse in ecclesia nostra, doctrinae moralis institutionem, quas christiana sit.

D. IOHANNES GEORGIVS BECHTOLD

Lectiones in Theologiam dogmatico-polemiam, moralem & pastoraalem, nec non collegium examinatorium elapso semeltri hiberno, diuina annuente gratia, absoluit. Quos labores omnes, si Deo ita videbitur, de integro ordietur, additis lectionibus in difficiliora S. C. loca, aduersariorum potissimum depravationibus obnoxia, exegeticis. Suam quoque in theologia symbolica, hermeneutica sacra, & arte homiletica operam quaerentibus offert.

LVDOVICVS BENIAMIN OUVRIER

Hora consueta XI-XII. lectiones suas dogmaticas, Danouii Compendium explicaturus, iterabit. Hora vero, quam Commilitonibus suo tempore indicabit, Theologiae moralis praeepta ad ductum Lessii tradet. Nec iis deicit qui Antithesin ad Milleri Compendium Theologiae polemicae exponendam optauerint.

D. CAROLVS FRIDERICVS BAHRDT

Scholas homiletico-practicas, nec non cursorias in Codicem hebraicum & graecum continuabit, praetereaque linguae arabicae fundamenta tradet, ac historiam ecclesiae Nou. Test. ad ductum compendii sui enarrabit.

ACROASES IVRIDICAE

D. IO. CHRISTOPHORVS KOCH

Hor. IX-X & XI-XII. Pandectas; hor. X-XI. Ius criminale & hor. II-III. Ius canonicum & ecclesiasticum Protestantium tam publicum quam priuatum docebit.



D. CHRISTIANVS HARTMANNVS SAMVEL GATZERT.

Hora VIII-IX. *Ius feudale* duce Boemero hor. X-XI. & XI-XII. *Ius Germanicum priuatum* & *publicum* cum *iure priuato Principum ad Selchouium* trader, a meridie deinde *scholis practicis* artique *Diplomaticae* vacaturus.

D. LVDOVICVS IVLIVS FRIDERICVS HOEPFNER.

Viam ad iuris scientiam praelectionibus, quas *priuatas* vocant, praebit sequentibus: Hora X-XII. *historiam iuris vniuersi*, filium *Selchouii* secuturus; priscum *ius Romanorum* hora XI-XII. exponet, & summa capita auditoribus calamo excipienda trader. Principiis iuris *Iustiniani* explicandis hora II-III. destinata. *Heineccii* autem libello in hanc rem vtetur. Qui fata *iurisprudentiae* & *Iureconsultorum*, librorumque ad artem nostram spectantium notitiam addiscere cupiunt, his hora III-IV. *Nerzelbladto* ducente satisfacere studebit. Publicis examinandi *exercitationibus* vacare hora VIII-IX. perget.

HELVICVS BERNHARDVS IAVP,

Priuatum, hora II-III. ad *Pütteri institutiones iuris publici* commentabitur, ea, quae obseruatu deprehendet digniora, auditoribus in calamum dictaturus; hora III-IV. *historiam imperii*, ex quarta *Pütteriani* libelli editione, enarrabit; ad *processum* quoque *imperii* selectiori commilitonum numero denuo hora commoda proponendum paratus. *Publice* plenior *historiae imperii nouissimae*, initio a Leopoldo facto, expositionem volentibus offert. Alia desiderantibus non deest.

INSTITVTIONES MEDICAE

D. IOAN. WILHELMVS BAVMER,

Med. Prof. primar. & Ordinis sui p. t. Decanus.

Hora VIII. in A. C. Celsi libros VII. atque VIII. de *Medicina* commentabitur, & sic praelectiones suas philologico-medicas in philiatris vtilissimum hunc auctorem ad finem perducet. Hora X. *Docimasia* ad sua praeepta trader, coniunctis simul processibus, quacumque metalla ex mineris suis rite excoquendi, & commixta separandi, rationem demonstrantibus. Hora XI. *Praemonstratore* b. m. Io. Zach. Platnero in arte medendi singulis morbis, doctrinas pathologico-therapeuticas de morbis chronicis proponet, easque casibus clinicis pro more illustrabit.

D. GEORGIVS LVDOVICVS ALEFELD

P. P. O.

Hora IX. mat. *Physiologiam* secundum ordinem institutionum Cel. LVDWIGII praeleget. Hora II. pom. *Compendium artis obstetriciae* Friedlanum explicabit, & hora III. *Splanchnologiam* trader. Bis quoque in hebdomade hora auditoribus commoda *aeris naturam* ac indolem variis experimentis illustrabit.

FRIDERICVS AVGVSTVS CARTHEVSER,

Med. Prof. ord.

Hora IX-X. *Botanicam* docebit & plantas, quae in horto academico aluntur, praecunte Linnaeo demonstrabit. Hora XI-XII. illam *Hygienes* partem, quae de esculentis ex regno vegetabili desumptis agit, exponet.

RECITATIONES PHILOSOPHICAE

ERNESTVS THOM,

Prof. moral.

Philosophiam moralem & ciuilem Winckleri hora VIII. explicabit. Hora IX. *ius naturae* Wolfii rursus interpretabitur. In rebus rusticis hora I. tractandis Beckmannum, in disciplinis vero oeconomicis tradendis Dithmarum adhibebit.

ANDREAS BOEHM,

Log. Metaph. & Mathem. P. P. O. facultatis phil. b. a. Decanus.

Logicam h. VII. matutina, *metaphysicam* h. VIII., *mathesin puram* h. I. applicatam h. II. atque vel *ius naturae* vel *physicam* tempore auditoribus commodo docebit. Bibliothecam publicam horis consuetis aperiet.

FRIDERICVS AVGVSTVS CARTHEVSER,

Philosoph. natural. Prof. ord.

Per instans semestre aestiuum *Philosophiae naturalis* dogmata potiora hor. VIII.-IX. *priuatum* trader. *Lectioibus* publicis hor. VII.-VIII. bis de hebdomade instituentis *Historiam naturalem metallorum* explicabit.



IO. CHRISTOPH. FRIDERICVS SCHVLTZ

LL. Or. & Graec. P. P. O.

Hor. IX-X. epistolam Pauli ad Romanos vberioribus annotationibus illustrabit. hor. II-III. *Grammaticam hebraicam* firmioribus, quam vulgo quidem fieri solet, fundamentis superstruet -- scholas *anglicanas* pro more suo aperiet tam publicas quam priuatissimas; ad *arabicas* insuper vel *syracas* paratissimus.

D. CHRISTIANVS HENRICVS SCHMID,

Prof. Poeseos & Eloqu. P. O.

Hora VIII-IX. *fundamenta styli cultioris* Heineccio duce denuo tradet. Recitationum priuatarum haec argumenta proponit: Explicationem *librorum sex priorum Aeneidis*, enumerationem principum in omni genere poetarum, siue *Historiam litterariam Poeseos*, praecepta *Artis poeticae* ex *Marmontelio*. Optio erit penes harum rerum studiosos. Denique, *Historiae* etiam *Catholicae* lectiones praecunte, *Gatterero* offert.

ERICVS CHRISTIANVS KLEVESAHL,

Pb. & Hist. P. P. O.

Publice Historiam litterariam ad b. *Heumannii* conspectum reipublicae litr. Hor. VIII. *privatim* Ius Naturae & Gentium secundum perill. *Dariesii* Institutiones Iurisprudentiae vniuersalis Hor. X. Historiam vniuersalem ad ductum *illust. Schloezeri* Hor. III. Historiam regnorum rerumque publicarum Europae ex institutionibus b. *Achenwallii* tradet. Sint denique, qui in Historiae subsidium arti heraldicae, rei nummariae, vel inspiciendis & explicandis diplomatibus operam nauare cupiant, eorum votis lubentissime satisfaciet.

LECTIONES EXTRAORDINARIAE.

IO. CHRISTIANVS DIETZ,

SS. Theol. Professor publ. extraord.

Sacri codicis oracula intellectu difficiliora enucleabit, iisque, vbi commode fieri poterit, dispositiones homileticas subnectet. Hermeneuticam sacram, ductu compendii a b. *Baumgarreu* cum in finem elaborati, tradet, regulas dextre expositas exemplorum luce illustraturus; in primis operam nauaturus omnem, vt in applicanda explicandi notitia auditores proficiant. Praelectionibus Graecis in exponendo auctore *Pelafgo*, nec non *ebraicis* in compendium *Grammat. Danzianae* horas priuatissimas destinare perget. Collegium historiae ecclesiasticae N. T. desiderantibus aperiet.

IO. CHRISTOPH. FRIDERICVS SCHVLTZ

SS. Theol. P. P. Extr.

Hor. I-II. pomerid. labores doctiff. *Seminarii Concionarorii* sodalium, vi muneris clementissime sibi demandati, moderabitur. Hor. VIII-IX. theologiae popularis partem priorem h. e. *dogmaticam* ex *Compend. HELMANNIANO* tradet. Ius protestantium ecclesiasticum, desiderijs *Commilitonum* satisfactorius, ex *MOSHEMIO* docebit.

D. CHRISTOPHORVS LVDOVICVS NEBEL,

Medicinae Professor publ. extraordinarius.

Praeter Collegium priuatissimum, Chirurgicae suas praelectiones in *Platneri Institutiones Chirurgiae rationalis* sedulo continuabit, ita, vt sumniorum huius artis magistrorum scripta, observationes nouissimas, optimeque excogitata instrumenta *Commilitonibus* suis cognita reddere, nulli operae & industriae parcat. Inprimis ipsis prodesse studebit, si in viuentibus & laesis operationem quandam peragendi occasio, sicuti haud raro accidit, oblata erit, praesentia eorum & adminiculo vtens. Artis obstetriciae theoriam ex *Celeberrimi Georgii Guilhelmi Steini theoretfcher Anleitung zur Geburtshülffe* ordietur, & in hac quoque parte discendi cupidus non deerit, & si vota nostra implentur, in schola practica grauidis & parturientibus medicas adhibere manus, docebit.

Praeter ista Generosissimis Nobilissimisque Ciuibus de luculenta *equitandi, pugnandi gladio saltandique* palaestra, *Gallicae* item & *Italicae* linguae scholis, per magistros earum peritissimos, publice constitutos, abunde prospectum est.

